

河  
防  
疏  
略

河防疏畧卷之十一

義烏朱之錫梅麓甫著

稽山後學徐沁埜公輯

扶櫬回籍日期疏

奏爲微臣祥禪已近臣母窀穸未營哀懇

睿慈俯允歸塋以廣

孝治事順治十七年正月十九日准吏部咨開文選清

吏司案呈奉本部送吏科抄出該本部覆河道總

督朱之錫奏前事等因順治十六年十二月初十

日奉

旨覽卿奏具悉至情特准暫假數月扶觀回籍事竣仍作速赴任料理不必請代河務着遣官暫署應署官職名速開具奏該部知道欽此欽遵抄出到部送司相應議覆案呈到部該本部題覆等因順治十六年十二月二十四日奉

旨楊茂勲着前往暫署河務欽此欽遵抄出到部移咨到臣該臣一面催督大挑一面料理積案至于每歲修防伏秋工程例在春月敷銷估計臣嚴催各

屬凡有送到詳冊照例覆覈具

題不敢延緩其有未經送到者節序相催時不可失  
應聽署河臣楊茂勲到任陸續銷估今署河臣已  
於十七年二月二十五日抵濟除臣原領到坐名  
勅書一道照舊遵藏外所有

欽給關防一顆

令旗牌六面副并文卷書吏員役等項專差標下中  
軍副將兼管中營事楚進功濟寧州知州陳翼鶚  
於二月二十五日賫送署河臣楊茂勲接受管理

至於各屬河工險要修防事宜並錢糧夫料歷年成例自當備細傳告以仰副

皇上軫重河漕至意臣扶送母親定於二月二十九日解纜南行抵家之後營葬事畢卽當遵

旨回任臣謹恭設香案望

闕叩頭犬馬微誠不勝戀戀所有交代日期理合奏報伏乞

睿鑒施行

順治十七年二月二十五日題三月  
日奉

上言該部知道

祭葬事畢謝 恩疏

奏爲微臣父母蒙

恩祭葬事畢恭陳謝悃事臣遵

旨躬扶母親回籍治喪接閱邸報禮部覆臣陳乞

卹典前疏奉

旨朱三鳳沈氏着與祭一壇造墳安葬欽此該臣於本年七月內領到金華府遵給造墳銀四百兩八月內已經合葬又該署金衢嚴分守道事金華府知府臣孫丕承於九月初六日躬赴臣寓宣

諭並祭臣父三鳳臣母沈氏訖隨當恭設香案望

闕叩頭謝

恩外伏念臣猥以謏劣起自寒微

主眷虛膺實切負乘於衾影親恩未答徒悲風木於庭

闈乃者烏鳥微踪日昧陳籲仰蒙

皇上鑒照不遺曲垂矜憫特貲曠官之罰俾伸襄事之  
情

曠典奇遭古今僅見而涓埃之報莫展

覆載之施海加臣父三鳳母沈氏



龍章既邀錫命之榮馬鬣更荷

匪頒之賜酒肴芬苾疑承甘露於

九天

綸綍輝煌恍照春陽於夜壑荒原茂草並有光榮白叟  
黃童咸知感泣在

國家教忠有本或不嫌

令典之從優而臣子揣分知盈能無愧

洪慈之罔極總使頂踵可竭終虞

高厚難酬自是臣累代高曾人人願效乎結草一門子

姓世世永矢乎傾葵况此生沒齒之年敢自墮捐  
軀之節除臣一面遵

旨束裝定於十月初二日啓行赴任俟受事後另疏恭  
報茲恭承

恩卹理合具疏陳謝臣引領

闕廷無任銜戴銘鏤萬感萬叩之至

順治十七年九月初七日奏十月



日奉

旨覽卿奏謝知道了該部知道

恭報受事日期疏

題爲恭報微臣到任受事日期仰祈

睿鑒事先該臣額

恩堇母具有微臣祥禪已近等事一疏奉

旨覽卿奏具悉至情特准暫假數月扶櫬回籍事竣仍

作速赴任料理不必請代河務着遣官暫署應署官

職名速開具奏該部知道欽此嗣於本年二月內與

署河臣楊茂勲交代扶櫬南行治喪事竣不敢稽

延隨於十月初旬遵

青北發十二月初三日抵濟准署河臣苗澄咨差標下  
署中軍事左營遊擊吳良棟濟寧州知州陳翼鶚  
齋捧

欽頒關防一顆

令旗令牌六面副并書吏文卷等項移送到臣臣謹  
望

闕叩頭逐一接受管理訖竊臣以至庸之才肩至重之  
任拜

命數載止於循分自効實無尺寸建豎可以上副

特達之知茲者恪遵

成旨仍總河務閱歷之後益慚慚焉隕越是懼仰惟

皇上之訓諭懃懇赫若箴銘

皇上之恩遇殷隆淪於肌骨臣亦惟刻刻服膺毘勉盡

瘁以庶幾竭犬馬之愚効萬一之報而已除衙門

應行事空容臣次第料理外所有到任受事日期

理合恭

報伏祈

睿鑒施行

順治十七年十二月初六日題本月  
[redacted] 日奉

旨該部知道

迅催道臣赴豫疏

題爲河事耽延日久道臣到任無期懇祈

勅部迅催赴豫以保運道事竊照河道修防俱有節序  
先事不周則終年貽害臨期失着則補救彌難况  
刑名錢穀地方責任大小一體而獨治河之事夫  
料藉之各屬過誤專在河員以故其餘道府各官  
痛癢不關意見相掣急者徒急而緩者自緩非得  
練習之才刻刻綢繆而又能挺身任事勞怨不辭  
以支撐于衆口紛紜之際未易勝任而愉快也查

河南管河道一官乃通省要領自徐必遠被論去  
任未幾盛治又以病辭去夏至今皆係代庖近則  
據兩司詳批行南河同知兼理事權未免不一呼  
應終是不靈臣閱十七年十一月內邸報前缺已  
推寧紹道荆世爵陞補即使旦夕抵豫而其人  
才否未卜河之肯綮未詳猶不免有玩愒之虞乃  
道路相隔杳爾無音轉盼桃伏難免貽誤除臣一  
面咨催外但恐寧紹現係用兵重地萬一未卽離  
任懸缺以待整頓何期仰祈



勅部嚴限本官星速赴豫任事庶監司不致久曠修守  
賴以責成所關河政非細故也伏乞

睿鑒勅部施行

順治十八年 月 日題 月 日奉

旨荆世爵着速催赴任吏部知道

恭謝 天恩疏

奏爲恭謝

天恩事該臣於本年四月二十八日准吏部咨爲各屬  
勸賑事竣官民捐助難泯謹據冊題

報事文選清吏司案呈奉本部送吏科抄出該本部覆  
戶部題覆漕運總督蔡士英題前事等因順治十  
八年四月初五日奉

旨是朱之錫着加太子少保蔡士英着加兵部尚書兼  
都察院左副都御史仍照舊管事餘依議欽此欽遵

移咨到臣該臣恭設香案望

闕叩頭謝

恩外伏念臣草茅一介游被

國恩荷蒙

先帝拔擢總理河務才微任重瘝曠已多茲復以遵

旨賑卹仰荷

皇上錄及對非

特頒寵命晉秩

官階以臣子當盡之常微

國家異數之典省循非據不勝悚惶惟有夙夜黽勉  
益勵匪躬以無負

高厚於萬一而已臣無任感銘踴躍之至

順治十八年■月■日題■月■日奉

旨

親勘王家道口工疏

題爲估計考城王家道口十八年歲修工程錢糧事  
該臣於順治十七年十二月內復任適當運河小  
挑之期嚴催各屬絕流興工仍親詣關河逐節勘  
視一面通查十七年伏秋以後黃河水汛各案并  
調附近司廳等官面訊情形備行該司道親詣勘  
估造冊具詳臣酌量緩急分別批允駁正一面於  
三月十五日由山東河南以至江南淮徐所屬各  
州縣黃河兩岸查閱各工直抵揚州方回于四月

十九日行至高郵州接准工部咨爲估計考城王家道口十八年歲修工程錢糧事都水清吏司案呈奉本部送工科抄出該本部覆河道朱總督題前事等因順治十八年二月初五日題三月十二日奉

旨工部議奏欽此欽遵於三月十三日抄出到部送司奉此相應議覆案呈到部該臣等看得總河臣朱之錫疏稱考城縣王家道口頂衝直射堤岸坍塌危險可虞

題估料價土方銀一萬一千二百二十兩六錢四分  
第估計工程務須該道親行赴工勘估工料始無  
冒破案查本工十七年歲修止估銀四千四百四  
兩零今十八年估至一萬一千二百二十兩六錢  
四分雖所用工料其中有多寡不同但止憑縣冊  
開報恐有虛冒相應再行查覈仍請

勅下總河臣一面及時先行領銀修築一面嚴檄該道  
親赴本工勘驗逐一確減估計據實具

題以憑議覆可也等因順治十八年三月二十七日

題三十日奉

昔河道設立總督原宜總覈屬官稽察工程俾無冒濫  
今王家道口一工估銀一萬一千二百餘兩較十七  
年歲修估銀太多朱之錫未經詳覈止憑縣冊輒爾  
草率具題豈是委任總督之意大不合理仍着朱之  
錫親赴本工勘驗另行確估具奏欽此欽遵抄出到  
部移咨到臣臣跪詞

嚴綸不勝悚惕隨由清河縣登陸馳赴考城縣王家道  
口工所率同管河道荆世爵及歸德府府廳各官



覆加勘度本工西頭第一段長一百三十丈大河  
竟從南來直衝北壩套壓難緩第二段長一百一  
十丈去年大溜北掃埽個墊陷舊壩去堤原濶十  
丈塌去六丈幸加埽塘護無虞臣查署河臣楊茂  
勲於十七年七月內具有彙報黃河水汛一疏已  
經

報明在案第三段長一百四十丈內九十丈係初估生  
工去年塌去堤下土壩六七丈不等曾採民柳下  
埽搶護第四段生工長八十丈去歲崖岸坍去四

五六丈不等今離堤餘岸不及丈許自此以東河勢方折而南去委因河溜斜射東北二段以下逼堤漸近堤內地形既窪又多衝決故道倘使潰嘴而出則全河北徙收拾不易誠不得不備埽防禦以保萬全總之黃河萬里建瓴勢如奔馬倏漲倏落呼吸變遷所以險工原無一定之形估費亦無一定之數臣歷查河南歲修舊案不但隔年之例不能盡同卽一歲以內亦有未可預必者如祥符縣魁星樓一工節年不估十五年因河勢陡變估

銀一萬九千餘兩後以引河挑成止報銷銀三千一百餘兩又陽武縣潭口寺一工十三年估銀一萬二百餘兩本年清明之後水發埽蟄又續估銀九千六百餘兩卽王家道口一工十三年因全河歸故估銀一萬四千三百餘兩十四年估銀九千九百餘兩十五十六十七三年估數亦多寡不等工小則省工大則增臣固不敢任其糜費以耗帑帑然亦何敢過事撙節以致工料不敷倉猝無備悞運道而妨大計哉至于不肖官吏倘有侵冒臣

查訪得實定行

題叅斷不敢少爲姑息也所有本工估計埽個銀兩數目先據該道原冊已經送部相應仍飭道廳等官照舊預備修築外臣謹將遵

旨勘驗情形據實具

題伏乞

勅部議覆施行

順治十八年五月十七日題六月二十五日奉

旨工部覈議具奏

工部覆前疏

題爲估計考城王家道口十八年歲修工程錢糧事  
都水清吏司案呈奉本部送工科抄出該本部覆  
總督河道朱之錫題前事等因奉

旨工部覈議具奏欽此欽遵抄出到部送司奉此相應  
議覆案呈到部該臣等案查考城縣王家道口十  
八年歲修工程先據總河臣朱之錫

題估料價土方銀一萬一千二百二十兩六錢四分  
隨該臣部查得估計工程務須該道親行赴工勘

驗工料始無冒破但止憑縣冊開報恐有虛冒仍  
請

勅下總河臣一面先行領銀修築一面嚴檄該道親赴  
本工勘驗具

題奉

旨咨行去後今據總河臣朱之錫疏稱臣跪誦

嚴綸不勝悚惕隨由清河縣登陸馳赴考城縣王家道  
口工所率同管河道荆世爵及歸德府廳各官覆  
加勘度本工一段大河直衝北壩套壑難緩二段

大溜北掃塘護無虞三段四段委因河溜斜射東北不得不備埽防禦以保萬全臣歷查河南歲修舊案如祥符縣魁星樓陽武縣潭口寺及王家道口等工十三四五等年估數亦多寡不等工小則省工大則增臣固不敢任其糜費以耗河帑然亦何敢過事樽節以致工料不敷所有本工估計埽個銀兩數目仍飭道廳照舊預備修築謹將遵旨勘驗情形據實具

題等因前來查得王家道口工程既經總河臣朱之

錫率同道府各官親勘與前無異所估工料係約  
估之數應有餘剩仍請

勅下總河臣朱之錫責令該道嚴加稽覈工完之日  
造冊

奏銷倘有不肖官吏侵冒者立行查名

題參以憑從重議處可也奉

旨依議



特叅怠玩有司疏

題爲特叅怠玩有司以飭河政事竊照河官督理工  
程卽官辦集夫料此係歷來成例屢經前河臣楊  
方興

題明在案查邳州南岸水玉堡一工去歲因舊堤塌  
斷估築月堤一道離河二百餘丈伏秋之後河從  
地底漸漸南侵地陷作河新堤亦與之俱塌水長  
漫岸必致橫溢四出又該州董家堂一工北近州  
城河勢漸逼署河臣苗澄曾據官民條陳有遷城

避河之

請見在奉

旨查議兩工危急勢同壘卵而五工頭事勢營兩工亦俱關運道通塞爲印官者不知急宜如急切拯溺救焚詎意該州署事徐州州司馬大臣視同秦越漫不經心水玉鑿雕寧縣縣工二百四十丈百計催呼幸而報竣而該州分內河道人夫寥寥反致延緩董家堂諸工捲埽需料原派買柳枝六萬餘束本官催比無術臣于四月過邳尚止完過三

分之一以致河官屢次告急無米難炊轉盼伏秋  
倘有衝決貽誤運道民生干係非小除臣嚴檄淮  
徐道督飭催集夫料立濟急工外所有本官怠悞  
河工相應特疏糾叅伏乞

勅部從重議處施行

順治十八年三月八日題奉

旨

特叅關茸司官疏

題爲特叅關茸司官亟請

勅部另差以重河防事竊照南河所屬外河則有王公堤天妃壩五大險工以及太行老堤兩岸數百里要害內河則有天妃閘以至瓜州閘四百里運道而巨湖相連一望瀰漫南江東海尤爲萬水歸壚之地中間督察寮屬區畫修防責綦重矣且遠在東南距濟千里所恃以協力分猷者實惟該司是賴乃南河分司陳天清奉行文移率致沉閣及至

嚴催送到又多含糊草率屢費批駁道途往返動  
經月餘臣頃者南巡見其語言遲鈍神情寬緩詢  
以河務肯綮之間亦復茫然河工何事南河何地  
即使精明奮迅尚恐拮据不遑而可容才力不振  
之人因循貽誤哉臣目擊既真相原具疏

題叅仰請

勅部照例議處并請

勅下工部速差別員勒限赴任庶綜理得人而河工不  
致廢墜矣伏乞

勅部議覆施行

順治十八年六月

日題本月二十六日奉

旨陳天清着議奏該部知道

恭報督催糧運疏

題爲恭報微臣出巡臨德督催糧運事竊照重運船隻關係軍

國急需節節嚴催難容刻緩臣於正二月間料理小挑臨濟一帶悉經身親勘閱其開河以北原難絕流亦經屢檄撈濬及多置木閘以備亢暘嗣于三月中旬巡歷黃河先在途次慮恐濟北各船逗遛濡滯特委標下中軍副將白璧賁捧

令旗自濟至津督同司道廳印等官逐程鞭驅仰副

節次嚴催之

旨臣於五月間回署料理銷估各案查據濟寧州天井  
開報於五月二十五日止已催過重運糧船三千  
一百零四隻節次北上訖復據臨清鎮揭報於五  
月十三日止已催過德州境糧船一千七百五十  
六隻節次北上訖河水多者十餘捺少者亦不下  
漕規六捺之限船糧俱各通行無阻何期本月二  
十五日據北河分司呈稱江西吉安九江等幫船  
大載重吃水至十二捺見在臨清閘外阻壅後運



今已僱有剝船自應嚴催前進但天道久旱衛河亦漸消落本司一面呈報一面開放蜀山湖水接濟等因到臣臣惟臨清口外河身旣濶來源甚微旱熯已久運事所關憂心如炙當卽差官守催衛河分司查勘衛河上源導引接濟又差官守催北河司道隨宜疏濬并安設水閘集船起剝仍特委泉閘分司駐督南旺暫閉柳林南閘數日使汶水全注于北以濟口外重船臣拜疏之後卽於本日星赴臨德親行查督務期設法疏通無誤飛輓所

有外河水勢及催過重運船隻情形容臣另疏報  
聞外謹將出巡僭運日期具疏題

報伏乞

睿鑒施行

順治十八年■月■日題■月■日奉

旨

辭理刑名疏

題爲題明事順治十八年六月初六日准吏部咨開  
考功清吏司案呈奉本部送吏科抄出該本部題  
前事內開查臣部事件有奉

旨行各巡按查覆者正在行都察院轉行間該院爲遵  
諭陳言一疏停止茲差請

旨將巡按自理事務交付撫臣其臣部見今咨院者盡  
行發回相應

題明將一應

勅巡按事務改咨該撫其經該撫題叅贓款各官奉

旨提問者相應咨行該督審擬可也等因順治十八年

五月十八日奉

旨依議欽此欽遵抄部送司相應移咨知照案呈到部  
移咨到臣該臣看得臣衙門所轄黃運兩河除浙  
江止有錢糧外其于係河道修防者流直河南山  
東江南各不下數千里旱則懼淺漲則憂衝竭蹶  
道路之日多而寧處衙門之日少一應公文遠出  
既難盡携投遞亦無定所况當奔馳之餘案牘停

積拮据靡遑原與地方總督不同茲准部咨撫臣  
題叅各官應行該督審擬查奉

旨察議各案臣衙門間有奉行者臣固不敢諉卸但審  
擬刑名文牘浩繁批駁往返卽山東境內臣以終  
歲奔走之身冒昧承辦顧此失彼尚恐不免若再  
加以隔省鞭長不及不惟有稽

欽件萬一河防運務因之耽延則軍

國所關實不得不總總過計也臣謹據實

題明伏乞

睿鑒勅部議覆施行

順治十八年六月  
■日題七月初八日奉

旨該部議奏

吏部覆前疏

題爲題明事該本部覆考功清吏司案呈奉本部送  
吏科抄出河道總督朱之錫題前事等因奉

旨該部議奏欽此欽遵抄部送司相應議覆案呈到部  
議得總河臣朱之錫疏稱臣所轄黃運兩河其干  
係河道修防北直河南山東江南各不下數千里

竭蹶道路之日多寧虞衙門之日少一應公文案牘停積拮据靡遑若再加以隔省鞭長不及不惟  
有稽

欽件且河防運務因之耽延等語案查本年六月內奉  
有巡按既裁巡撫叅奏應令何衙門何官審擬之  
上諭隨該九卿科道會議將河南山東巡撫叅奏事件  
責成河道總督擬議奉有依議之

旨  
旨  
在案不便更改仍應遵前

旨  
奉行可也奉

清江直集

卷之十一

三

寒香集

音依議



河防疏畧卷之十二

義烏朱之錫梅麓甫著

闕里屬員孔貞來元起訂  
稽山後學徐沁埜公輯

呈報清口倒灌疏

題爲呈報淮弱黃強清口倒灌事順治十八年閏七月初二日准總漕臣蔡士英咨稱照得滇旋大兵已抵江寧今據河官報稱運口於七月二十九日興工築壩恐大兵不日雲集除咨會二省郎部院將築壩緣由轉移統兵大人星速前進外第此官

兵已經在滇駐防五載值今回旋跋涉萬里歸心如箭迫欲前進合咨煩爲裁酌或飭令司道河官一面齊備料物收拾興工仍畱過船缺口俟兵船一過築完似覺兩便等因到臣該臣看得清口黃流倒灌并撥行司道勘議築壩緣由前已經臣題報在案續據司道廳官呈稱築壩一節非奉

俞旨兵馬船隻不能禁其往來等因該臣一面批行估計興工復慮南來滇省兵船屈指可到此壩一築誠恐秋漲未過兵船經臨外河旣無船更換而軍

行又未可以久待事在兩難臣隨於七月二十六日一面咨達工部一面星赴清口與總漕臣商酌具

題行至桃源縣隨准總漕臣咨稱應候兵船過後築完臣於閏七月初二日抵口勘得黃水盛漲淮水已退回十八里據司廳稟報濁流由口外通濟閘南行至高郵約有二百餘里築壩日遲一日則沙灌口多一日而各船雲集萬難久停淮干勢又未便築斷除臣一面嚴督司道等官多集夫料立將

高堰高良澗周家橋淮水南洩閘口築塞完固使  
淮盡數東注并多製濬淺器具以待水至協力疏  
導刷沙濟運但恐上源久旱淮水微盛不能預必  
容臣續行題

報至於口壩工程仍留過船金門雖無救於淤灌而兵  
船過後勘議挑濬固亦有不客不築者統俟該司  
道詳估到臣覈確另

題外謹將勘過運口情形并與總漕臣蔡士英會商  
築壩緣由據實題

報伏乞

睿鑒施行

順治十八年  
月  
日題  
月  
日奉

吉

呈報水勢疏

題爲呈報水勢事順治十八年閏七月初七日據邳  
宿河務同知張四維揭稱本月初六日蒙中河分  
司信票照得秋黃盛漲董口倒灌淤至三壩目覩  
心寒除一面行令該縣辦料築壩修防外仰廳速  
赴董口嚴督併力修築務保萬全等因蒙此卑職  
卽刻赴董口料理俟疏通之日另文再報等因到  
臣臣隨飛檄嚴飭司道廳印各官料理去後續於  
本月初十日據中河分司劉世豸呈稱本月初五

日據宿遷縣主簿杜榮春揭報黃水自初四日起  
至初五日巳時止陡漲一尺二寸黃水內灌本司  
星夜飛奔至二鼓時方到董口立見黃流愈漲洶  
湧異常黃強清弱倒灌已逾二壩本司慮恐淤澱  
立行廳印分頭催辦物料督率官夫捲埽堵塞頭  
壩已於初八日閉合龍門訖俟黃水消落開壩放  
水所有董口閉壩日期合先呈報等因到臣該臣  
看得清口者乃黃淮交會之所而董口則清與黃  
交會地也伏秋以來黃漲非常各屬隄防在在告

急而今歲山東河南一帶元旱日久水勢微弱黃  
流帶沙而行一經灌入水落淤停卽成中梗臣坐  
督淮于閉塞周橋等閘本月初六日已報完工而  
數日內黃水更漲二尺有餘反將淮水阻回二十  
五里臣方憂心如燔而董口忽又有淤灌之報除  
清口見在黃流內注舟楫通行俟黃勢消落酌議  
挑濬臣誠恐董口沙灌漸遠疏通不易一面嚴檄  
該司道築壩攔黃據報已於初八日閉合龍門訖  
但黃水長落無定惟在相機啓閉保護全漕至於



南來兵船屈指將到臣思董口築斷運河之水下  
無出路勢必傍攻湖壩東趨駱馬湖而與黃河之  
漲水合兵船倘至自當權宜開導以濟北上臣仍  
一面星赴督勘外所有董口築壩緣由既經該司  
廳呈報前來相應題

報伏乞

睿鑒施行

順治十八年 月 日 題 月 日 奉

青

清口開壩疏

題爲呈報淮弱黃強清口創灌事該臣移咨總漕臣  
蔡士英咨開順治十八年閏七月初八日准總漕  
部院咨准鳳撫部院咨開滇旋兵船先到江寧者  
的於初七日北上未到江寧者尚無定期等因准  
此案照清口築壩前准咨商畱缺以待兵船是以  
暫停工役但南來兵船已自江寧起行者固可計  
日而待其未到江寧者尚無定期若前船一過卽  
築又恐後船繼至未免亦誤軍行貴部院諒切同

舟諒有確畫相應移商或前船一過卽築或俟兵船過完然後築壩照依順治十年淮揚大挑之例估計挑濬統俟定議以便轉行勘估預備軍漕兩利等因移咨去後又該臣移咨內開案照清口黃泥內灌亟宜築壩遏黃特以滇省大兵前船已抵江寧指日經臨未便久候不得已暫停工役但在後兵船茫然無期而黃水日灌漸遠沙淤漸多淮揚河道三百餘里將來疏通維艱目今黃水更漲內灌愈急運道重大本部院晝夜憂懸不得不懇

總過計除檄司道勘議築壩通詳外合再移商等  
因移咨去後續於閏七月二十六日准總漕臣蔡  
士英咨稱准總河部院咨前事等因爲照見過南  
來兵船乃移駐貴州之兵其雲南大師尚未聞有  
到省日期築壩一事恐難久待等因准此又據淮  
海道張尚呈稱會同山清河務同知賈雲龍西河  
船政同知孔貞來公赴總漕蔡部院蒙諭照舊調  
撥五工高堰清河徭募等夫并查應用各料先着  
孔同知在口料理築壩又慮築壩之後回空俱無

去路訪得先年築壩時空運糧船曾由周家橋開  
投高郵湖入運河隨令山清同知親由周家橋開  
起至高郵湖出口一帶探度果否通行以憑開闢  
至運河淤淺處所俟勘明并估計大挑另文呈報  
等因到臣該臣看得清口倒灌并築壩留缺以待  
兵船已經臣前後題

報在案嗣以董口報淤臣星赴督勘目擊黃水有長無  
消因思清口雖往年亦有黃灌不過暫溢之水隨  
發隨退尚不免大費工力今歲淮流旣微而黃漲

非常爲時甚久若不急行築斷則沙淤日積挑濬  
愈難是以與總漕臣蔡士英會同商酌今准咨稱  
雲南後發兵船抵淮無期據司道呈報現在料理  
築閉且云訪之宿老先年築壩之時回空船隻曾  
於周家橋出湖入運已據一面查勘倘果可行船  
更屬妥便卽或水勢無常而運道重大閉壩攔黃  
萬難再待至築壩之後乘時大挑以濟新運皆目  
前急着不容刻緩者也臣現今奉

旨候同

欽遣部臣踏勘河工除一面嚴檄司道等官勘估大挑  
候詳到之日覆覈具

題仍委臣標右營遊擊張順賁捧

令旗赴淮督催外所有清口閉壩緣由相應具疏題  
報伏乞

睿鑒施行

順治十八年 月 日題 月 日奉

吉

覆河夫第一苦累疏

題爲河夫第一苦累屢議終無實着謹據末議仰請  
睿鑒事順治十七年二月二十日准工部咨都水清吏  
司案呈奉本部送工科抄出該本部覆河南巡按  
李粹然題前事等因順治十六年十二月十六日  
題十七年正月十二日奉

旨該部議奏欽此欽遵於正月十四日抄出到部送司  
奉此相應議覆案呈到部除自首地畝漕米鹽引  
草豆等項應聽該部議覆外該臣等案查河南河



工夫役總河臣朱之錫於順治十六年十月內題  
覆河南前任按臣李及秀題爲河夫之徵派當更  
等事一疏與臣部右侍郎張縉彥題爲河工

國之大政等事一疏會同該省撫按詳酌地方遠近  
照地坐派漸遠漸加分爲三分數年之間始一輪  
流調用業經臣部於十二月內題覆如議永爲定  
例奉

旨遵行在案今按臣李粹然條議六事內稱河夫之均  
派酌調立法稽查定期更替以及修濬內河四款

俱臣與河撫諸臣可以酌妥徑行非請

旨不敢擅專者則衝途免夫與首地免派二事等因具  
題前來查得極衝極疲州縣駐兵養馬處所總河臣  
前覆二疏俱載有酌量均勞在該道府臨期詳奪  
酌減之語今以衝途州縣與自首地廠夫役俱各  
免派相應請

勅總河臣會同河南撫按詳酌具

題以憑議覆可也等因順治十七年二月初七日題

初八日奉

旨依議行欽此欽遵抄出到部移咨到臣備行河南布  
按二司并管河道逐一查議去後今據河南布政  
使徐化成呈稱蒙此遵卽移會管河道會查確議  
嗣准管理河南清軍驛傳帶管河道事按察司僉  
事陳士本牒呈查看得修防河工人夫首在要務  
稽查往例小工本府協濟中工本省協濟大工隣  
省協濟遵行已久然黃河利害惟開歸二府爲最  
凡遇堤岸卑薄河流衝刷預估修築多照小工事  
例派調本府夫役近河人民實屬偏苦蒙前任李

按院題爲河夫之徵派當更等事一疏嗣後修築河工僉派夫役酌地方遠近熟地多寡照地坐派漸遠漸加永爲定例奉

旨遵行在案至於駐兵養馬處所亦有臨期量減之議今蒙李按院疏開衝途州縣與自首地畝河夫亟應全免查得通省自首地畝正供旣且難辦河夫並無僉派止照舊例行糧熟地起夫再查十七年歲修各工共計用夫一萬三百八十九名行據開封等八府并汝州照依地方遠近途路衝繁酌派

去後內開封府屬祥符陳留杞縣延津四縣該府  
冊開次衝俱十減其二新鄭鄭州滎澤許州臨潁  
襄城鄆城禹州八州縣該府冊開極衝俱十減其  
三彰德府屬安陽磁州湯陰三州縣該府冊開極  
衝俱全免訖衛輝府屬汲縣新鄉該府冊開供兵  
養馬衝途俱全免訖懷慶府屬河內等六縣該府  
冊開駐兵養馬俱量減三分之一南陽府屬南陽  
新野裕州葉縣南召五州縣該府詳稱饑饉災傷  
衝途俱全免訖汝寧府屬確山西平遂平信陽四

州縣該府冊開極衝俱當減三分之一以上八府  
一州除供兵養馬饑饉災傷衝途州縣減派外止  
實派夫九千七百九十五名較之本年歲修各工  
原估夫數尚少夫五百九十四名無可再派惟是  
酌量工程緩急通融修築以界河工旣據各該府  
查議應減應派夫數前來似無偏苦擬合移會等  
因准此查來文所議與原數未符復駁移管河道  
覆議去後今准帶管河道陳僉事牒呈查得李按  
院疏開衝途州縣與自首地畝河夫亟應全免固

屬體恤衝苦至意再查總撫兩部院原行內有衝途州縣與自首地畝應否免派之語所以各府詳議有全免者有十減其二有量減三分之一者想其中衝途州縣或先衝而後稍僻則該府因時制宜權變酌議其衝輝府冊開汲新二縣係衝途全免淇輝獲解四縣一例開報該府並無豁出至懷慶府亦係自行酌減俱非本道所擬擅定者今准貴司復查極衝州縣應該全免因何開寫減派夫數似與原疏有悖且一事而兩議不便通詳誠乃

慮之至悉但經各府自議前來本道難以更張且  
查前詳業經呈報各部院批詳在案似難另議擬  
合回覆等因到司准此該本司會看得兩河地方  
年來水旱頻仍災傷疊告加以供億繁難苦累至  
甚非加意撫恤休息無期前疏旣悉無容贅矣惟  
是自首地畝刈穫原未有年一時兩課並徵必至  
捉襟而肘露倘民力不贍復就拋荒當事者安得  
不爲過計乎是以前李按院具

題寬免誠屬至論故議之者或應緩之於三年俟之



於五載俾物力稍裕仍照例均派斯爲當耳至衝途如磁州安陽湯陰淇縣汲縣新鄉榮澤鄭州新鄭禹州襄城藥縣裕州南陽新野許州臨潁鄆城西平遂平確山信陽等二十餘州縣兵馬駐牧往來絡繹方苦供應之不暇豈能復肆力於築防故各府或議之於全免或十減其三或三分而減一雖因時揆度然非畫一尚未盡善相應照依前疏一例免派總計其夫之多寡改派於偏僻州縣庶勞逸得均而河工無悞也再如懷慶府屬量免三

分之一彰德衛輝南陽三府詳以所屬非衝州縣  
各以協濟繁難曉曉稱苦原疏未載似未便議及  
但查懷慶彰衛乃駐兵輪牧之區供辦糧料草束  
卽各府僻邑協濟在所不免嗣後駐兵養馬處所  
協濟供應州縣或可免其三分之一以示體恤特  
因府詳而併及之是否有當統祈憲臺會酌具

題等因呈詳署總河臣苗澄批詳衝邑免夫應查某  
州縣實係駐兵養馬與頂衝次衝地方從長酌議  
畫一以均勞逸其自首地畝必須議定年分亦照

例均派俱勿作游移之語至於協濟州縣不便槩援此例仰司作速議妥確詳立等會

題仍候撫按兩院詳行繳批行去後未據回詳前來該臣於順治十八年正月初八日復經檄行查催內開照得河防疎虞則梗塞運道夫役失悞則貽患河防利害相因事非小可前准工部咨爲前李按院具

題河夫第一苦累等事內開自首地畝與衝途州縣駐兵養馬免夫緣由檄行該司道會議已久乃州

縣已私自便鮮有急公司道利害不關只知討好以致紛紛聚訟訖無成議屢據回詳其間參差難解者不止一端如自首地畝一項本部院前

題覆河夫徵派當更一疏通省共定成熟地畝夫數一萬二千一百八十九名此在十五年以前賈撫院

題報開墾自首地畝事在十五年以後又十六年七月內據布政司詳爲河工偏累事內開首墾地畝暫免雜差緣由本部院隨批如議新自首地畝准暫

免派夫以寬民力是現在河夫原未派及自首地  
畝況地方雜差不止河夫一項遲則俱遲早則俱  
早何必專專在於河夫較量三年五載此難解者  
一也前

題夫數既在未報首地之先昨據彰德府詳內臨漳  
縣涸稱原有自首地若干頃再減河夫八名林縣  
涸稱自首地該夫二十七名應再減派武安縣涸  
稱自首地該免六名待十年後再派涉縣涸稱自  
首地該免二名若係首地十四年何故報作成熟

明係乘機涸賴此其目中尚知有憲法乎此難解者二也本部院前

題河夫徵派疏內原云真正駐兵養馬州縣方准免派每年不過一處兩處若止云衝途則各有各差該司道乃不能於本差內酌僻濟衝自爲調劑至河工乃軍

國第一要務反專意抹殺此項以償別項徭役之苦此難解者三也且止是兵馬經由大道同一極衝不應復有等差乃開封府屬自開十減其二十減

其三懷慶府屬汝寧府屬自開量減三分之一彰  
德府屬衛輝府屬南陽府屬則竟稱俱全免訖明  
係急公有司酌量刪減泄玩州縣借口要求而該  
司道亦止憑其自說自免並無一語從中剖決卽  
據上年歲修較之原估夫數已少五百九十四名  
無可再派萬一河工再增豈河官有遣神役鬼之  
法能爲

朝廷保河且該司詳內云改派於偏僻州縣不知有  
何偏僻州縣肯爲若等李代桃僵不費口舌慨然

應役乎此難解者四也前李按院條陳不過亦據  
懶於出夫州縣任意申詳採掇具

題部覆以原非定議故復行本部院與撫按兩院再  
行詳酌所難任怨非難市恩免者雖免必使出夫  
者心服萬一工多人少再議增夫又必使額外加  
添代爲應役者心服然後可而該司移會河道文  
內有云應該全免因何開寫減派似與原疏有悖  
信如此說則當日部覆竟應依允而又有此番詳  
酌議覆不幾多贅乎此難解者五也原疏內二十



二州縣十七年未經全減夫數已苦不足此外州縣復又藉口協濟紛紛抗夫年來供應繁劇該司道不得不爲均調旣爲均調則各州縣其苦必至不甚相遠况協濟乃該司所派軍需益多派協益廣州縣盡數協濟亦將盡數減免河夫乎此難解者六也有司之抗玩已甚同舟之振刷無聞必待河官束手河事債轅且無論數百萬儲楮倘致中梗可爲寒心卽如大王廟塞决請動

內帑數十萬通省於歲修外解夫運柳勞擾數載彼

時猶得告衝繁求減免否本部院重擔在身不得不矢口傾臆大聲疾呼爲此牌仰司道卽便會同細察全牌將河夫第一苦累疏內免夫緣由悉心叅酌自首地畝不止河夫一項雜差應否俟別項徭役通行科派之日然後一體僉夫真正駐兵養馬州縣是否每次不過駐劄一州一縣境內每年不過一次兩次必須於次年內開明某年月日某起大兵在某州縣養馬若干日應出夫役方准全免其李按院疏內衝途二十二州縣或量免十分

之幾此外不得借口協濟次衝涸申抗誤如或異時先衝後僻仍聽該府查確報奪一面議妥通詳具

題一面嚴飭醉夢州縣遵照該管衙門起調夫役如期解工如有仍前藐玩別申求免及遲誤缺少者立刻報叅經承拿解處死仍查批發管河道據彰德府詳內各州縣既係未報首地之前派定夫數如何涸稱內有首地應免等語明白報奪其有量減人夫據該司詳稱該派偏僻州縣應派何州何

縣并議確報檄行去後復又屢檄嚴催今於本年  
五月二十二日據該司呈稱蒙此遵依隨行所屬  
確查去後今據開封彰德衛輝汝寧等府覆議各  
詳到道據此該署管河道南河同知崔維雅看得  
中州苦累原在養兵養馬而兩河積苦尤在徵夫  
辦料是供兵者固煩斂民之脂膏而治河者亦竭  
地方之筋力均是苦海誰是樂郊須彼此通融庶  
衆擎易舉若曰我供兵者也應免河夫誰爲同舟  
共濟又曰我臨河者也應免供餉勢必呼庚可虞

卽云衝途孔道驛騷煩苦不堪重僉夫役但河工  
正在煩劇而夫數又必加額累至僻途念僻途何  
堪重困耶稱苦稱難盡在兩河如云極重當返彌  
至偏苦難支事干

國計民生豈合左右分袒惟於萬不得已之中少加  
叅酌調停之法除自首地畝已經三載俟來年照  
例派夫外查安陽汲縣新鄉襄城四縣果上年真  
正駐兵養馬下年夫役應議全免若本年未經供  
兵養馬次年照額均僉著爲定例查滎澤縣大兵

往返過渡動皆數日每年所過不啻數十次較駐  
兵養馬更苦夫役應議破格豁免如湯陰淇縣磁  
州鄭州新鄭禹州葉縣裕州南陽新野許州臨潁  
鄆城西平遂平確山信陽州等查係極衝州縣夫  
役酌減十分之三如祥符陳留杞縣延津長葛等  
查係次衝縣分夫役酌減十分之一至胙城獲嘉  
等縣係協濟縣分不便援例議免總之減一分亦  
獲一分輕便但河夫約減千餘而興工急須長計  
惟是酌量工程緩急通融修築以畢河工如河勢

平緩工程無多止用開歸二府夫役修築自不輕  
調外若需用協濟將五百里內三分中先調一分  
如不足用然後調取二分如此則開歸既不苦於  
偏累隣府似亦不失等差其五百里外者距河雖  
遠然有塞決大工必至通省隣省攤派倘邀天之  
幸止是協濟歲修則二三年之間始一調用如遇  
大工夫役不敷臨期再行通計可也除呈總河部  
院蒙批仰移布政使速詳以憑具

題等因詳批到道蒙此擬合移會請煩查照酌轉等

因牒呈到司准此該本司會看得豫省夙號天中  
衝繁實倍他省而最苦者無如駐兵養馬與夫河  
夫辦料之役也况連年水旱薦臻空匱流離備至  
其極是以蒙李按院題

請議寬其爲斯民之計不得不從長斟酌以期適宜既  
經管河道酌議具覆擬合轉呈等因呈詳到臣該  
臣票開安汲新襄等四縣如本年未曾駐兵養馬  
是否或照極衝次衝之例或原不係衝途務要據  
實聲說免致不均復行妥議去後今據該道呈稱



該本道看得安陽汲縣新鄉襄城四縣原係衝疲之邑上年俱經駐兵養馬夫役已議全免若本年不曾駐兵養馬夫役應比照極衝之例酌量除免三分示以體恤擬合呈詳等因到臣該臣看得黃運兩河乃軍

國重計所關運道不可一日不通則黃河不可一日不治民力雖勞勢固有不得以姑息之見而貽阻墊之憂者河南夫役屢經部覆行臣會同撫按臣通長計議臣已於河夫之徵派當更等事疏內議

定歲修工程俱照熟地每十五頃募夫一名離河  
遠者各以百里爲率加地減夫節奉

俞旨遵行在案倘有真正駐兵養馬極衝極疲州縣司  
道原議臨期詳請酌減而按臣疏稱宜有一定之  
例臣准部咨行據司道從公叅酌據云嗣後安陽  
汲縣新鄉襄城四縣如果駐兵養馬者次年夫役  
准與全免滎澤縣雖從無大兵駐歇然係渡河要  
地相應十免其六其餘極衝如湯陰淇縣磁州鄭  
州新鄭禹州葉縣裕州南陽新野許州臨潁鄆城

西平遂平確山信陽等州縣併安陽汲縣新鄉襄  
城四縣未經駐兵養馬年分俱量免十分之三次  
衝如祥符陳留杞縣延津長葛等縣量免十分之  
一如此則河工庶不致於坐誤而民力亦可因之  
少均至於自首地畝各屬誠恐本年行差所以紛  
紛申控今司道議照三年起科例俟康熙元年方  
行派募其於恤私急公之義庶爲兩得似應允從  
旣經司道會議前來臣謹會同河南撫臣彭有義  
合詞具

題伏乞

勅部議覆施行

順治十八年九月初六日題本月二十日奉

旨該部議奏

工部覆前疏

題爲河夫第一苦累等事都水清吏司案呈奉本部  
送工科抄出該本部覆總督河道朱之錫題前事  
等因奉

旨該部議奏欽此欽遵於九月二十一日抄出到部該

可方疏畧

卷之十二

三

庚香第

臣等案查河南前任按臣李粹然於順治十六年十二月內條議河南河工夫役將衝途與首地免派隨經臣部請

勅總河臣會同河南撫按詳酌具

題奉

旨咨行去後今據總河臣朱之錫會同河南撫臣彭有義疏稱嗣後安陽等四縣如果駐兵養馬次年夫役准與全免榮澤縣係渡河要地相應十免其六其極衝如湯陰安汲新襄等州縣未經駐兵養馬

年分俱量免十分之三次衝如祥符等縣量免十分之一至於自首地畝議照三年起科例俟康熙元年方行派募等因具

題前來查得河工夫役既經總河巡撫分別衝緩州縣酌免分數相應如議至於自首地畝以前開墾者照三年起科例令於康熙元年爲始可也奉

旨依議